

## Meje Po Carte Cotacaya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara wanae muxu duta jiwitha. Po peyabara tsiwanae muxu dutsiwa, xua Nacom catsina jiwitha peajuntayapusawa, po peajuntayapusawa ataya tsiteca. Barapo peajuntayapusawa jiwi catsibeibinchi poxonae jiwi jume cowanteibina Cristo Jesús.

<sup>2</sup> Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, iru Jesucristo, pon Wanacanamataxeinaein, baraponbe barabu amanayiya cayawenaenabe pia necaantobexaebe. Matautano baponbe nantanuweya cayabara nanta xeinaenabe pia necayawenaenexa tsanebe. Matautano ichichipan xua baponbe jantema popona caexanaena.

*Meje yabara xua Pablo yabara paeba xua Timoteo bewa jume cowanta ducwanaebiyaena*

<sup>3</sup> Poxonae Nacom tsipaebiban jan tsaibinje: “Nacom, maisa jũntũ coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajũntũ coyene netsipaeba xua pinae bara beta exanan. Barichi tamo susato jiwi tanacuita barapon Nacom.

<sup>4</sup> Xam cayabara nanta xeineibatsi xua poxonae matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa matababintha xua bichocono tajũntũ coyene weiweinaewa tsane.

<sup>5</sup> Xan nanta xeineiban xua xam bara xaniwaicha beta jume cowũntsiya poponame Nacom. Po pejume cowũntsiwa xam Nacom tsita xeiname, barapo pejume cowũntsiwa copiya matha acue Loida, irũ ena Eunice Nacomtha tsita xeinabe, beya poxonae xam irũ jume cowũntame. Bara beta yaputan xua xam irũ barapo pejume cowũntsi coyenewa Nacom tsita xeiname anoxuae.

<sup>6</sup> Daxota catsipaebatsi, beta najũntũ coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanae ducuaenaebiyaenexa pocotsiwa Nacom caitoroba. Barapo cui coyene bayatha Nacom cacata poxonae canta jayabatsi.

<sup>7</sup> Tsipei Nacom poxonae naca cata pia Pejumope tũnaxũ tatsi, barapo pejumope tũnaxũ tatsi jopa jiwi junuwa cana exanaetsi. Jame Nacom naca cata barapo pejumope tũnaxũ tatsi, xua waxeinaewa tsane peayapusũ itorobi coyenewa. Mataũtano Nacom naca cata barapo pejumope xua waxeinaewa tsane po cui coyene peantobe

coyenewa xua watsita xeinaewa tsane Nacom matautano xuano jiwithano. Matautano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane.

<sup>8</sup> Jopa aurande poxonaе yabara cueicueijam Jesucristo, pon Wanacanamataxeinaein, xua poxonaе bequein ichamonae cacui capona. Matautano jopa neyabara aurande xua jiwi pecubi botha taecaewa. Baxua necana exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui baru jejande xua ichamonae bara canthuthu jopojopeya atene exana, icha xan ichin xua yabara cui copatan xua bara ichamonae atene tana neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapusuwa baxua nexa, xua jopa nejunuwiwa tsane poxonaе caatene exana.

<sup>9</sup> Nacom naca capanepa abe waexanae cuiru coyenein weya. Matautano Nacom naca waba xua Nacom watsita najuntu coyene xanepana exanaewa tsainchi. Apra jopa naca wabiyo poxoru xanepanaya waexanaexaetsi. Apra jame naca waba, tsipei caena bayatha yabara nanta xeina baxua, beya poxonaе forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemonae peburuya wanabaru jinompaexae Cristo Jesustha.

<sup>10</sup> Nacom naca tsita ituta pia peantobewa poxonaе itorobicatsi Jesucristo, pon Wanacaca-

panenebiyaein. Bapon weraweraca cana exana po peayapusɥwa xua xota jiwi tɥpa exanatsi. Mataɥtano naca tsita itɥta po coyenewatha xeinatsi peantɥayapusɥwa, po peantɥayapusɥwa ataya tsiteca wajume cowɥntsixaɛ Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Mataɥtano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonae jopa judiomonae naexanaeyo.

<sup>12</sup> Taexanaexae baxua, daxota atene neexana ichamonae. Daichitha jopa aurinyo xua tayabara cueicueijejwa Cristo, poxonae bequein ichamonae atene neexana, tsipei yaputan pontha pon tajume cowɥntsixaɛ xua peitacɥpaewatsi xua tana neyawenaewa. Bara beta yaputan xua bapon xeina peayapusɥwa xua tana neyawenaewa. Bapon neyawena xua tacueicueijej tsurucuaanaebiyaenexa tsane pocotsiwa bayatha bapon neitoroba, beya poxonae barapo matabi tsane, po matabitha poxonae patopeicaena Jesucristo.

<sup>13</sup> Necui coyene jɥpaeya exana ducuaanaebiyama, po pecuidubiwa bichocono xanepana xua bayatha catsipaebatsi. Jume cowɥntsiya poponare, mataɥtano antobeya poponde Nacom, irɥ jiwithano, caemonaeya pebɥɥya wanabarɥ jinompaexae Cristo Jesustha.

<sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom

pia Pejumope t̄nax̄ t̄atsi cacata, po pejumope t̄nax̄ t̄atsi naca bar̄ jinompa.

<sup>15</sup> Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ich̄n pew̄n Figelo, ich̄n pew̄n Hermógenes.

<sup>16</sup> Barab̄ Nacom pon jiwi Pecanamataxeinaein yabara nantanuweya nanta xeinaena pomonae Onesíforo piamonae t̄atsi, xua Nacom peyawenaewa tsane barapomonae. Bapon Onesíforo nej̄nt̄ tsacaba poxonae beta xanepanaya neyaweneiba. Bapon jopa neacauriyo xua jiwi pec̄bi botha taecaewa.

<sup>17</sup> Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina.

<sup>18</sup> Barab̄ Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuentsiwa xua abe peexanaexae. Xam yaputaneme bara, xua bapon neyawena nawita Efeso tomaratha.

## 2

*Meje yabara xua Pablo yabara paeba xua ponba beta tanacuita pia pecanamataxeinaeinchi*

<sup>1</sup> Xam Timoteom, be taxantom catsicotainchi. Naj̄nt̄ coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonae pebur̄ya jinya nenaexanaexae Cristo Jesustha.

<sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamon-aetha pocotsiwa xua cueicueijan.

<sup>3-4</sup> Yabara baru cui copare xua bara ichamonae atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamonae atene tana neexanaewa tsane. Poxonae baxua exaname, xam bara juta coyene ichim icha be soldadomonaepin ichi. Bapon ba atene exanatsi poxonae naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsiexana piawa poxonae cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae.

<sup>5</sup> Barapocotsi juta coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonae bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa.

<sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa.

<sup>7</sup> Beta yabara nanta xeinare xuaunxuae catsipaebatsi. Pon jiwī Pecanamataxeinaein cayawenaena xua yaputaename daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemomoxi susato jiwī jiwana tatsi, po David Israel nacuapiwi

itorobiya pia pepa peewatsinchi. Bapon Jesucristo equeicha Nacom Pexanto asu exana petapae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha.

<sup>9</sup> Barapo diwesi tacueicueijeixae daxota ichamonae atene neexana, beya poxonaen penaintotha necuba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonaen jiwi pecubi botha tana neetsixae. Tsipei awiya cataunxuae jiwi jume tane barapo diwesi.

<sup>10</sup> Daxota jopa junuwinyo xua ichamonae atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonae Nacom pia peitapetsi jiwi tatsi barapomonae nexa, xua barapomonae iru pecapanenebiyaenexa tsainchi xua Cristo Jesús capanenebiyaena. Poxonaen barapomonae barapo diwesi xeinaena, po diwesi pecapanenebiyae coyenewa, bapoxonaen muxuna xeinaena pexeinya peajuntuyapusawa, po peajuntuyapusawa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:

Icha copatatsi xua bara ichamonae naca atene exana wajume cowuntsixae Cristo beya poxonaen naca tupa exana, icha poxonaen Cristo cana ichichi, bapoxonaen yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowanta

dubenanaebiyatsi xua poxonae bequein icha-  
monae

naca atene exana, icha Cristo cana ichichi,  
bapoxonae barapo coyenewa yawa muxuna  
waxainchi Cristo, baru canamataxeinaeinchi  
jiwitha, waitorobiya ewatsinexa

tsane barapo jiwi.

Icha waxainchi itawetsiya yabara jeichichi  
Cristo: “Bapon jopa yaputaeinyo”, jeichichi,  
bapon xuya itawetsiya naca yabara jei tsane:

“Bapomonae jopa yaputaeinyo”,

naca yabara jei tsane Cristo.

<sup>13</sup> Icha jopa beta xaniwaicha jume cowuntsiya  
jinompaetsi, daichitha bapon cataunxuae  
exana ducuaenaebiyaena pocotsiwa xua bayatha  
jiwi yabara paebatsi.

Baxua exana, tsipei Nacom jopa itacupaetsi xua  
exana pocotsiwa jopa be pia cuiyiyo tatsi.

*Meje yabara xua pon beta petanacuichin xua  
ichun beta petanacuichiwatsi*

<sup>14</sup> Xuaunxuae catsipaebatsi baraxua paebare  
ichamonaetha yawano cui itorobare baraxua  
barapomonaetha Nacom peitabaratha tatsi. Jande  
barapomonaetha: “Jopa yabara pana najume  
matsontsonoba exanaeinde xua po diwesin icha-  
monae pepaebixae”, jande. Barapo penajume  
matsontsonobiwa barapo coyenewatha bapana  
jopa naca yawenae. Barapo coyenewa saya abe  
cana exana pomonaetha pomonaetha jume tane.

<sup>15</sup> Exande daxita pocotsiwan pexanepanae  
coyenewa xua Nacom nexa, xua Nacom jinya  
necacui taenexa xua bara beta tanacuitame  
Nacom. Bapoxonae xam jopa nayabara



acauram tsane pocotsiwa xua beta xaniwaicha necaunutsiya paebixaem Nacom Pejume Diwesi, po diwesi pejume xainyei jume.

<sup>16</sup> Jopa yabara najume matsontsonoba exanaeinde po jumein xua pejumexaei, po jumein xua saya yabara cueicueijej pocotsiwa xeina barapo cae pin nacuathe, po jumein xua bapana jiwi jopa yawenaetsi. Tsipei pomonae bapocotsiwan paeba, eexanapona pocotsiwan abe peexanae cuiru coyenewan.

<sup>17</sup> Barapomonae abeya pia pecuidubi coyenewan tatsi taj<sub>u</sub> nayoyotapona, icha be ichi xua tsuweto xua b<sub>u</sub>pana putsuna xua beya taj<sub>u</sub> putsuna pona. Barapocotsi coyene xua taj<sub>u</sub> nayoyotapona, exanabe pon pew<sub>u</sub>n Himeneo ir<sub>u</sub> pon pew<sub>u</sub>n Fileto.

<sup>18</sup> Baraponbe jume naitematabe pocotsiwa pexainyei coyenewa. Baponbe naerabiya jeibe: “Bayatha Nacom nacui weta xua as<sub>u</sub> exana, xua jiwi equeicha jopa as<sub>u</sub> peexanaewa tsainchi pomonae bayatha werapa”, jei baponbe xua naeraba paebabe. Baponbe ainya muxu cana exanabe icha monaetha xua barapomonae jopa xapain pejume cowantsiwa tsane Nacomtha.

<sup>19</sup> Nacom pia pexainyei coyenewa, peayapus<sub>u</sub>wa, xua icha cui coyeneya jopa naexanaeyo. Barapon Nacom pia pexainyei coyenewa tatsi jeye: “Nacom pon jiwi Pecanamataxeinaein yaputane pomonae piamonaexae tatsi”, jei. Matautano equeicha jeye: “Daxita pomonae xua naw<sub>u</sub>n duba xua jei: ‘Paxan Cristobar<sub>u</sub> pan, pon jiwi Pecanamataxeinaein’, jei, bewa barapomonae naitematsina abe

peexanae cuiru coyenewan”, jei Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewan oro nain, yawano icha penainwan pocotsiwa pewan plata nain. Matautano ba muxuna xeina napae coroton. Matautano ba xeina tsorobo coroton pocotsiwan be juruwaton. Po coroton xua pexeinya coroton, barapo coroton pecanamatawenaenexa penabarun itata weiweinae matakabintha. Po coroton xua saya pexeinya coroton aibi, barapo coroton pecanamatawenaenexa daxita matakabintha.

<sup>21</sup> Bara jutiya ichi, icha pebin ichichipa exana xua pocotsiwa pexanepanae coyenewa pon jiwi Pecanamataxeinaein nexa, bapon bewa naitematsina abe peexanae cuiru coyenewa xua Nacom pejuntu coyene xanepana exanaenexa bapontha. Baroxonae bapon itacupatsi xua peexanaewa daxita carepaya coyenein pocotsi coyenein Nacom tsita xanepanatsi.

<sup>22</sup> Xam naitemare pocotsi coyenewan pewowi exana xua poxonae abe exana. Exana ducua-naebiyama pocotsiwa pexeinya juntu coyenewa. Matautano beta jume cowanta ducua-naebiyama. Matautano antobe tsurucua-naebiyama Nacom, matautano jiwithano. Matautano junte ma popona ducua-naebiyama. Xam itapeta napuna ponde pomonae pejuntu coyene xanepanaewi poxonae Nacomtha tsipaeba pon jiwi Pecanamataxeinaein.

<sup>23</sup> Naitemare po peyabara najume matsontsonobiwa jopa xapain wunaeyo xua jopa xapain peyaputae coyenewiyo, tsipei xam

yaputaneme xua jiwi barapocotsi jumetha ba yabara naba.

<sup>24</sup> Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wunaeya exanaena xua daxita carepaya coyene cuintha daxita jiwitha. Matautano bewa bapon beta cuidubina ichamonae. Matautano bapon bewa saya juntea poponaena poxona bequein abe taexanatsi ichamonae.

<sup>25</sup> Matautano bapon bewa saya bewayo juntea coyene wunaeya muxuwetsina pomonaetha pomonae peacuiitafaetabiwichi xua bapon xainyeya pia pecuidubiwa ichamonaetha. Matautano bapon bewa abe ewatsina xua ichametha Nacom copatsina xua barapomonae icha juntea coyene pexeinaenexa xua peauraxae xua abe exana. Matautano barapon bewa abe ewatsina xua barapomonae peyaputaewa tsane pocotsiwa xua Nacom pia pexainyei coyenewa tatsi.

<sup>26</sup> Poxonae baxua yaputaena, bapoxonae barapomonae, pomonae copiya pemuxufebiwi itacupaeinchi xua beta nanta xeinaena pejuntea coyenewatha. Barapomonae yaputaena xua deta cou eexanapona pocotsiwa caurimonae pia pentacaponaein tatsi jujeta, xua pocotsiwa abe peexanaewa, pocotsiwa bapon peitorobixae. Bapoxonae barapomonae itacupaeinchi xua panenebiyaena bapon weya, matautano xua tamropata notarucupaena xua exana pocotsiwa Nacom ichichipa.

### 3

#### *Meje yabara xua po coyeneya jiwi exanaena poxonae po matabitha opi ducuaena*

<sup>1</sup> Ichichipan xua neyaputaewa tsane xua poxonae po matabintha opi dubenaena barapo matabin jiwi taayapube tsainchi.

<sup>2</sup> Jiwi barapo matabintha bichocono pia coutha naantobe tsane. Barapo jiwi bichocono u pitaparaxichi tsane. Yawano matautano aebina ichamonaetha. Matautano bichocono atsaca tsaneno. Matautano biataenano ichamonaetha, matautano Nacom biataeinchi. Matautano barapomonaе jopa jume jejei tsaibi tsane paxewi. Matautano barapomonaе jopa wecobe jacobiya noteibiyo tsane poxonae ichamonaе catsibeiba. Matautano abe yabara nanta xeineibina pocotsiwa Nacom piawa tatsi.

<sup>3</sup> Matautano piamonaе jopa tsita xeinae tsane peantobe coyenewa. Matautano ita aenaenei tsurubenaеbiyaе tsane ichamonaetha. Matautano yopita dubenanaеbiyaena xua ichamonaе pocotsiwa abe peexanaewa. Matautano jopa itacupae tsainchi xua najuntu coyene itorobina xua xanepanaya peexanaewa tsane. Matauta barapomonaе bichocono anaepanaena xua ichamonaе beinchi. Matautano barapomonaе bichocono aichaxaibi tsane pocotsiwan xanepana.

<sup>4</sup> Barapomonaе pomonaе jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonaе pia coya nacayabara nanta xeinaena xua peainya cui

jiwi tsane. Saya barapomonaē itapetsiya naitomatsina xua pocotsiwa cui xeica penaexanaewa. Barapomonaē naitematsina pocotsiwa Nacom pia pexainyei coyene tatsi.

<sup>5</sup> Bequein barapomonaē xanepanaya exana dubenanaebiyaena icha be ichi xua poxonaē pomonaē xaniwaicha pejume cowantsiwi, daichitha barapomonaē jopa xaniwaicha jume cowantsiyo xua icha juntu coyene pexeinaewa tsane.

Jopa bewa bara pocotsimonaē imoxoyo napuna ponaem xua barapomonaē necuiyainwam.

<sup>6</sup> Barapomonaē jiwana pomonaē bomxantha pateibina muxujainyabeibinchi yabxi, po yabxi jinompa barapo bomxantha, po yabxi xua anacaura xua penacui yapuraexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana.

<sup>7</sup> Barapo yabxi jume naitaewata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabxi jopa itacupaetsi xua peyapuraewa pocotsiwa xua Nacom pia pexainyei coyenewa tatsi.

<sup>8</sup> Caena bayatha pon pewan Janes, iru ichan pewan Jambres, baponbe mara pexeinaeinbe, baponbe cui matawentabe Moiestha, xua Moisés pia peexanaē coyenewatha. Icha baponbe ichi, barichi barapomonaē yabara jume matawenta Nacom pia pexainyei coyenewa tatsi. Barapomonaē saya yabara nanta xeina nawita pocotsiwa peabe coyenewa. Barapomonaē taseicatsi pejume cowantsiwa, po pejume cowantsiwa pex-

ainyei jume.

<sup>9</sup> Barapomonae jopa beta dubenanaebiyae tsane, tsipei daxita nacuanpiwi cui yaputaena xua barapomonae apara pomonae jopa xanepanaya peexanaewi, icha be ichi poxonae caena bayatha jiwi cui tane xua Janes iru Jambres jopa beta exanaeyobe.

*Meje yabara po diwesi xua Pablo najume wet-siya paeba poxonae Timoteo itorobatsi*

<sup>10</sup> Ichitha xam bara beta exanaponame pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom nexa. Matautano necui taneme xua bara beta jume cowuntsiya poponan Nacomtha. Matautano necui taneme xua saya awiya beta juntema poponan poxonae bequein ichamonae jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan.

<sup>11</sup> Xam yaputaneme xua jiwi bichocono abe necana exana tajume cowuntsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Listra tomarathano. Ichitha pon jiwi Pia Pecanamataxeinaeinchi neyawena xua necapanepa barapomonae pia xainya weya.

<sup>12</sup> Bara xaniwaicha, daxita pomonae ichichipa xua najuntu coyene xanepana exana dubenanaebiya Cristo Jesustha, barapomonae iru atene exanaeinchi ichamonae.

13 Ichitha pomonae peajuntucoyenebe jiwi, irurū pomonae pemuxujainyabi jiwi, daxita barapomonae bichocono abe eexanaponaena beyacaincha xua copiya. Barapomonae muxujainyabiya canamataxeina ichamonae, xua abe peexanaenexarū, matautano xua barapo ichamonae irū xuya pemuxujainyabiya canamataxeinaenexa ichamonae, xua abe peexanaenexarū.

14 Ichitha xam awiya beta exana ducuanae-biyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomonae xua cacuiduba barapo coyenein, pomonae pejuntucoyene xanepanaewi.

15 Poxonae pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necacapanepaewanexa abe jinya neexanae cuiru coyene weya nejume cowantsixae Cristo Jesús.

16 Daxita carepaya Nacom Pejume Diwesi tatsi, barapo diwesi Nacom ayapusū diwesi exana. Daxita barapo diwesi xanepana xua jiwi pecuidubiwa tsainchi. Matautano daxita barapo diwesi xanepana xua jiwi yaputane peexanaenexatsi poxonae abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesi xanepana xua jiwi peyawenaenexatsi xua pejuntucoyene xanepana dubenanaebiyaenexa Nacomtha.

17 Barapo diwesi jiton xanepanaya canacui weta exanatsi xua beta peexanaewa tsane pon

Nacom piamonae jiwana jiton tatsi. Barapo diwesintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

#### 4

<sup>1</sup> Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentsiwa xua abe peexanaexae, pomonae xua anoxuae cataunxuae asu jinompa, irano pomonae xua bayatha werapa.

<sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsaibinde Nacom Pejume Diwesi poxonae jiwi ichichipa cajume taibina, matautano poxonae bequein jiwi jopa ichichipaeyo xua necajume taewa. Barapomonae juntu coyene yaputane exande xua barapomonae petaseicaewatsi pejuntu coyene xanepanaewa Nacomtha. Matautano barapomonae yabara muxuwere abe pia peexanae cuiru coyenein tatsi. Matautano barapomonae juntu coyene cui tsacabare xua Jesucristo pejume cowantsiwa tsainchi. Matautano bapana barapomonae jopa tsita xeinaeinde peitaconaewa. Matautano bapana jopa nacui copatsim tsane xua necuidubaponaewa barapomonae, xua bequein barapomonae jopa Jesucristo pejume cowantsiwichi taetham tsane.



<sup>3</sup> Tsipei jopaena matabi poxona po matabitha jiwi jopa jume cowantsi tsane barapo pexainyei cuidubi jume. Barapomona saya u jeichina po pecuidubiwi saya cuiduba pocotsiwa xua jiwi ichichipa jume tane.

<sup>4</sup> Barapomona saya naitemapenta xua aichaxaibi pejume taewa pocotsiwa pexainyei jume. Saya barapomona u jume naitaewatsina ainya diwesin, po diwesin xua saya pejema diwesin.

<sup>5</sup> Ichitha xam dotam. Najuntu coyene babare xua neexanaeyainwa pocotsiwa barapomona exana. Jopa junuwinde xua ichamona poxona caatene exanaena nejume cowantsixae Jesucristo. Ichitha xam exana ducuaanaere jinya nenacuichiwa xua Nacom pia pexeinya jume diwesi necueicueije ducuaanaetsiwa. Daxita wetsiya exanare pocotsiwa jinya netanacuichiwa Nacom.

<sup>6</sup> Bara nama imoxoyo nebexubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha.

<sup>7</sup> Ajuntacuiyapusa amanayaban caurimonaetha Jesucristo nexa, icha soldadomona ichi xua poxona amanayaba pia peaitafaetabiwichi. Bayatha naci wetan pocotsiwa xua bayatha Nacom neitoroba, icha jiton ichi xua patopa poxona penaxenacaewa. Matautano jume cowantsiya poponan Jesús, icha be pocotsi coyeneya ichi poxona jiton beta yapu eena pocotsiwa itorobatsi pia pecanamataxeinaeinchi.

<sup>8</sup> Anoxuae ewatan po pentoma Nacom necatsina xua tajuntu coyene xanepanaexae bapontha. Pon jiwi Pecanamataxeinaein, pon

xua yatsicaewa xainyeya jiwi yabara paebatsi xua penatsicuentsiwa xua abe peexanaexae, bapon pentoma necatsina po mataqueitha poxonae bapon patopeicaena. Saya meisa jopa compa necatsi tsane, iru barichi tsainchi baxua catsibinchi pomonaе wanae ewatsiya ichichipa xua pia pepatopaewa tsane bapon.

*Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonaе caitacupa.

<sup>10</sup> Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona.

<sup>11</sup> Meisa pon Lucas, bapon xote baru ecan. Wenawenande Marcos, cabaru dena tsane, tsipei bapon itacupatsi xua tana neyawenaewa tsane.

<sup>12</sup> Pon Tíquico bapon Efeso tomara beitorobiyán.

<sup>13</sup> Poxonaе nesiwa denam, inta carenande po paparuwa aitiyu, po paparuwa cuentán pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae.

<sup>15</sup> Dotam xua bapon, tsipei bapon aichaxaibi pocotsiwa po diwesin cueicueijeichi.

16 Poxonae tacoutha nayabara jume yawenaeya cueicueijan pentacaponae wi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bu jopa cabetsi tsane barapomonaetha xua tana nepunapentsixae.

17 Daichitha Nacom pon jiwi Pecanamataxeinaein, neyawena poxonae bequein ichamonae nepunapenta. Bapon peantuyarusuwa necata xua beta tacueicueijeinexa pijume diwesi xua pejume taewa tsane daxita pomonae jopa judiomonae naexanaeyo. Bapoxonae Nacom neyawena xua jiwi jopa necabetsiyo xua tatupaewa.

18 Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabu jiwi ataya wunaeyo jainchina Nacomtha. Je bara ichi tsane.

*Meje yabara xua Pablo najume wetsiya paeba*

19 Inta jacobare powa Prisca, iru pia pebin tatsi, bapon Aquila. Iru inta jacobare pon Onesíforo piamonae matabuxuyo tatsi.

20 Pon Erasto bapon eca Corinto tomaratha. Pon Trófimo, bapon cuenta ponan Mileto tomaratha yaitama atene.

21 Jujare xua patopare xua pewunaeya poxonae beya awabo tsane. Pon Eubulo, iru pon Pudente, iru pon Lino, iru powa Claudia, iruru daxita pomonae pejume cowantsiwi, daxita barapomonae cajacoba.

<sup>22</sup> Barabꜰ Jesucristo, pon jiwꜰ Pecanamatax-einaein cabarꜰ poponaena. Barabꜰ Nacom amanayiya cayawenaena jinya necaantobexae.  
Baja Pablo.

**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
e9c4c3a0-6dec-54a4-aaba-fb395e5eddc7